

Art.1

Intent Quista ledscha regla las premissas per l'aquist dal vaschinadi tenor la ledscha chantunala dal dret vaschinal.

Art.2

Pretaisa da domicil Il dret da vaschinadi po gnir concess be a persunas chi sun domiciliadas d'ürant almain 6 ons a Scuol, ils ultims duos ons directamaing avant co inoltrar la dumonda.

Art. 3

- Cumpetenzas**
1. La cumischiun da vaschinadi examinescha las pretaisas fuormalas e sclerischa quai chi'd es necessari. Ella invida a la persuna ad üna discussiun da qualificaziun ingio chi dess gnir examinà spezialmaing quant inavant ch'ella es integrada e co ch'ella as santa da chasa a Scuol. (tenor l'art.3 da la ledscha chantunala da vaschinadi „BR 130.100“)
 2. Scha las persunas han cugnuschentscha a bocca dal rumantsch confuorm al nivel da referenza B1 da la norma europeica cumünaivla, schi vain quai tut in consideraziun in möd positiv pro la valütaziun dal stadi d'integraziun.
 3. La cumischiun da vaschinadi fa ün rapport e fa propostas al cussagl da vaschins a regard mincha dumonda da vaschinadi.
 4. Il cussagl da vaschins es cumpetent da decider davart las dumondas da vaschinadi. El comunichescha in scrit sias decisiuns als petents.
 5. Scha'l petent vess d'avair obtgnü il dret da vaschinadi tras indicaziuns invardaivlas o zoppantand fats decisivs, rapporta il cussagl quai al chantun fin il plü tard ot ons davo chi d'eira gnü concess il dret da vaschinadi.

Art. 4

- Taxas**
1. Per decisiuns illa procedura da conceder il vaschinadi vegn inchaschada üna taxa chi'd ha da cuernar ils cuosts. Il reglamaint correspondent vain relaschè dal cussagl da vaschins.
 2. La taxa pauschala per persunas svizras po esser differenta da la taxa pauschala per persunas da l'ester. La taxa pauschala per cas ingio chi gniss reintrodüt il dret vaschinal po gnir fixada plü bassa. Las pauschalas dessan gnir adattadas periodicamaing als cuosts effectivs.
 3. Il cussagl po redüer las taxas per uffants minorens chi nu vegnan tuts sü al listess mumaint sco lur genituors, per persunas chi sun in scolaziun sco eir in cas dad acziuns spezialas.

Art. 5

Cas specials In cas motivats po la radunanza da vaschins conceder il vaschinadi d'onur o regalar il vaschinadi.

Art. 6

Pussibilità da recuorrer

1. Il cussagl da vaschins sto motivar decisiuns negativas a regard conceder il vaschinadi.
2. Ils petents pon far recuors cunter decisiuns negativas pro'l tribunal administrativ dal Grischun.

Decis uschè da la radunanza da vaschins dals 23 avrigl 2015

Il capo da vaschins:

L'actuar:

Jon Fadri Tönnett

Anton à Porta

Il müdamaint da l'art. 3 es gnü approvà da la radunanza da vaschins dals 15 november 2016

Il capo da vaschins:

L'actuar:

Jon Fadri Tönnett

Anton à Porta

Per persunas, funcziuns e mansters vain dovrada per princip la fuorma masculina.
Ella as referischa adüna a tuots duos geners.